

靈山正續志卷二輿地志

沿革類

沿革考

沿革表

建置類上

建置表

城池

公署

公所

輿地

前志立疆域志以沿革四至八到山山程站鄉都墟市祠宇冢墓古蹟勝迹凡十類隸之別立建置志以城池公署公所壇廟坊表學校倉儲兵防橋梁道路凡十類隸焉茲統爲輿地志分爲六類一圖說二沿革三建置四地文五疆域六古蹟以學校倉儲兵防改編經政志餘若程站改爲道里四至八到改爲廣輪面積與夫移分野氣候襍祥創立地文或因時宜或便查考敢不避移易增損之誚又以圖說另行付梓故冠序於此（續志）

沿革考

郡志云靈山屬合浦地隋置南賓縣屬欽州唐貞觀間改爲靈山宋開寶四年廢遵化欽江內亭三縣人焉洪武八年改欽州爲府十四年欽仍爲州靈山與欽州俱隸廉府今仍舊

縣舊志云靈山古百粵地秦屬象郡漢屬合浦郡至隋始析置南賓縣屬欽州唐貞觀

靈山縣志

輿地志

五

廣州黃黎巷新中華承印

間改爲靈山縣宋開寶五年廢遵化欽江內亭以其地入焉明洪武二年改州爲府縣仍屬十四年欽府復爲州靈山仍屬州俱隸於府清朝隸廉州府

謹按郡志沿革一條云廉州府自漢武帝元鼎六年平南越始置合浦郡領縣五（合浦徐聞高涼臨元朱崖）三國孫吳時改合浦爲珠官郡尋改爲合浦郡仍領縣五（晉因之劉宋太始中以合浦析置臨鄣越州二郡又分合浦徐聞置合州尋改爲南合州又廢州爲合浦郡治合浦縣唐武德中改合浦郡復爲越州領縣五（合浦高城安昌大都大廉）貞觀中改爲廉州屬領南道因地有大廉峒故名天寶初改爲合浦郡隸邕管經畧使乾元初改爲廉州領縣六（合浦高城安昌大都大廉博白）唐末五年爲南漢所據宋開寶四年南漢平仍爲郡屬廣西路博白改隸鬱林餘仍舊太平興國徙州治析長州場改置太平軍元祐間徙海門鎮（即今府治）咸平初復爲廉州元置廉州路屬海北海南道宣慰司明洪武元年改爲廉州府七年降爲州隸雷州十四年改爲府（領欽州合浦靈山石康）據此則合浦所領之地皆迤於東其云以合浦析置臨鄣越州者蓋越州即廉州而非寧越郡也寧越郡則宋平宋壽宋廣之地初无析合浦之地之文乃郡志沿廣與記之誤以靈山在漢屬合浦地縣志又附會之日隋始析置南賓豈知通志舊本但曰又置南賓遵化二縣本無析字其增析字者欲牽牽

爲合浦地耳

又按通志表載晉太康元年合浦郡仍屬交州刺史領縣六惟合浦一縣係今廉州之地此語甚明乃至載欽州靈山於漢即註曰合浦郡之合浦縣是但沿府縣志爲據也若欽靈在漢爲合浦也則劉宋之置宋壽宋廣安京何不曰析合浦縣地爲三郡乎於齊改宋廣爲縣何以曰始屬合浦也然宋廣雖屬合浦而宋壽仍爲郡屬交州自若未全隸也此皆見於宋書齊書有可據者也

或問曰欽靈之先在劉宋爲宋壽宋廣之地而在漢分爲七郡之時果何郡乎予曰此典籍之荒畧已難稽也謹按後漢書載南郡領象林晉書注象林云自此有四國其人皆云漢子孫今有銅柱亦是漢置以爲界貢金供稅云云今之欽州有四峒其人皆云從馬伏波南征而來意即指其人乎且世傳馬伏波政蠻至分茅嶺立銅柱爲界意即指其地乎故通志表云與日南接壤愚意即日南古郡之北境地也或疑日南已淪於蠻然按地理通釋云嶺南道東南際海西極群蠻註云漢交趾九真日南合浦皆有蠻非以日南獨淪於蠻也按郡國利病書云日南徼外占城以至西域此言日南徼外非言日南郡也又按漢書食貨志載日南戶萬五千四百六十口六萬九千四百八十五此必居內之地然後登戶口也又按漢書云交趾女子證側證貳反九真日南合浦

靈山志縣

輿地志

六

廣州黃黎巷新中華承印

蠻俚皆應之云云此可知日南與合浦之地本犬牙相錯也故欲知漢古郡之地欽靈當屬日南云或曰是亦未得日南郡爲宋壽宋廣之確據也予曰按宋書載日南郡宋平郡注云漢孝武世分日南立宋平縣後爲郡予考宋平宋廣宋壽宋豐地皆毗連則割日南以爲宋平而宋壽之割亦當此時也何也自是之後九真郡所統之日南縣日南郡所統之九德咸驩浦陽越常等縣皆非漢之日南郡所領蓋其地已漸徙而分割矣漢之日南領縣五西卷朱吾盧容象林比景是也晉書之日南郡領縣亦五而於象林則載銅柱一事宋書之日南太守領縣七則分西卷立壽冷分比景立無勞齊書載所領同何隋書之所領盡異也（按隋書所領即九德咸驩浦陽越常全寧交合）則其地已分割也又據唐書載安南中都護府實統陸州陸州本玉山郡武德五年以寧越郡之安海玉山置今按通志表所列陸州玉山州入於遵化遵化內亭入於靈山者甚詳則陸州之前爲宋平郡地宋平之前爲日南郡地皆散見於正史確有可考而非故以臆見懸揣者也此在涉獵觀史者固無暇究源委即作唐書者傳聞異辭亦遂以漢之日南唐之遵化之姜公輔誤爲愛州日南人遂啟千古之疑亦可慨己其愛州之誤詳於姜公輔之後傳又按唐書有如和縣隸欽州武德五年析南賓安京置云云按其地當靈之清塘之下欽之板潯之上故云後入於邕尋亦廢也又志載甯純字如和以

縣字之尊之故也又按唐書欽江東南有西零戍零靈音通今人動稱西靈或原於此但其戍未詳何所耳又按宋史欽有如洪如昔咄步三砦而以咄步入靈山其砦亦無可攷又按明史北有洪牙山洪牙江出焉經縣東與羅陽山水合爲南岸大江南流爲欽江又南有林墟西鄉二巡檢司今如之

以上舊志

沿革補遺

按通志隋開皇十七年改宋廣爲新化十八年改曰內亭又置南賓縣改宋壽爲欽江三十年置遵化大業初置寧越郡唐武德五年析南賓安京置如和縣又置亭州以遵化內亭屬之旋復舊靈山下載木南賓貞觀十年更名天寶元年改欽州爲寧越郡上元十年改南賓爲靈山考元和郡縣志載貞觀十年移南賓於峯子嶺下天寶元年改名靈山通志前後既異與元和志亦殊按元和志貞觀移縣治通志或以移治爲更名通志天寶元年改欽爲寧越元和志又誤以爲並改縣名耳

又太平寰宇記寧越郡下今理靈山舊在州北六十六里元和志載貞觀十年移南賓於峯子嶺南新寧越志載治平三年移靈山治石六寨查南賓古址遠難稽考寰宇記所云州北六十六里以道里計當即今石龍墟再遷乃至峯子嶺不然峯子距舊州百

靈山縣志

輿地志

七

廣州黃黎巷新中華承印

餘里里數必誤矣

光緒十四年北海鎮熊生鐵高廉道王之春議以欽州爲直隸州撥高州之石城縣屬廉又擬分合浦爲兩縣以邑之平銀九隆平吉鳳皇等墟屬欽後石城合浦兩議作廢惟議撥邑之秋風博菽菩提三練及青塘那隆各半練屬欽由總督張之洞奏准尋以青塘練民自呈願全練隸欽乃定撥秋風博菽菩提青塘四練屬欽那隆半練仍歸邑屬惟強剌練屬之陸屋墟歸欽屢經爭執查四練地延四百餘里袤數十里幾去邑地之半

以上續志

沿革表

通志原載靈山沿革表

唐虞 南交

三代 荊州之南裔

秦 象郡

漢 合浦郡之合郡縣

三國 合浦郡屬交州

晉 合浦郡屬交州

宋 宋壽宋廣安京三郡屬越州

按通志又有百梁安昌及新安俱靈山縣地（續補）

齊 宋壽郡屬交州宋廣縣屬合浦郡安金縣屬封山郡屬越州宋廣百梁安昌新

安俱同宋惟宋壽以建元二年割越州屬合浦

按安金或作安京（續補）

梁 普通四年置安州

陳 安州仍梁制

隋 開皇十八年改安州為欽州析置南賓縣又有欽江內亭遵化安京安海俱隸

寧越郡

唐 武德五年析南賓安京增置如和縣景隆二年以如和改屬邕州上元十年改

南賓為靈山縣

五代 靈山屬欽州

宋 開寶五年省遵化內亭欽江三縣併入靈山

元 靈山屬欽州路

靈山縣志

輿地志

八

廣州黃黎巷新中華承印

明 靈山縣洪武元年屬欽州二年屬欽州府九年改屬廉州隸雷州府十四年還

屬欽州仍隸廉州府

清 仍明制

通志原載欽州沿革表

唐虞 南交

三代 荊州之南裔

秦 象郡

漢 合浦郡之合浦縣屬交趾部刺史與日南接壤

三國 合浦縣屬交州

晉 合浦縣屬交州

宋 元嘉九年置宋壽廣安京三郡屬交州泰始七年屬越州

齊 建元二年以宋壽郡屬交州改宋廣郡為縣屬合浦郡改安京郡為縣屬封山

郡宋廣安京梁復置郡

梁 普通四年置安州於宋壽郡統宋壽宋廣安京三郡又置黃州兼置寧海郡及

安平海平玉山三縣

按梁置黃州隋書■晰至隨始廢爲海安縣而舊志誤以爲晉之海安則恩平將何所置之且黃州一改爲玉州又改爲陸州而屬安南都護府其非晉之海安明矣

陳 安州黃州仍梁制
隋 開皇九年省宋壽郡置欽江縣改安京郡爲安京縣改宋廣郡爲新化縣屬安州廢寧海郡仍置黃州十八年改安州爲欽州改新化爲內亭縣又置南賓遵化二縣改黃州爲玉州改安平曰海安大業三年改爲寧越郡廢玉州省海平玉山二縣以海安來屬領縣六欽江安京內亭南賓遵化海安

唐 武德五年改寧越郡爲欽州總管府隸柱林析內亭遵化二縣置南亭州析海安置玉山州七年改欽州爲都督府貞觀元年屬嶺南道二年廢南亭州玉山州以縣屬欽州十二年罷都督府上元二年復析置玉山州更名陸州屬安都護時調露元年欽隸容管天寶元年改爲寧越郡至德二年改安京曰保京乾元元年復爲欽州隸邕管上元十年改南賓曰靈山咸通三年屬嶺南西道

五代 欽州仍唐制領縣五欽江保京內亭遵化靈山
宋 欽州開寶五年省遵化欽江內亭三縣併入靈山改保京爲安遠縣至道三年屬廣南西路領縣二靈山安遠

靈山山志

輿地志

九

廣州黃黎巷新中華承印

元 欽州路至元十五年置安撫司領縣二十七年改爲總管府屬海北道宣慰國後隸廣西中書行省

明 洪武元年改欽州路爲欽州屬廣東二年改爲欽州府九年改爲欽縣屬■州總隸雷州府十四年改爲欽州省安遠縣人州領縣一靈山仍屬廉府

清 仍明制

欽州沿革表所以並登者以靈山舊多欽州地必互觀而後見也故附錄之

考訂靈山縣沿革表

荒微舊城更多難詳今據之形勢參以群籍爲表於左並詳其說於疆域志中以俟攷定

唐虞 南交

三代 禹貢荆之南裔

秦 象郡

漢 日南郡屬交州部刺史

三國 屬交州

晉 屬交州

宋 元嘉九年置宋壽宋廣安京三郡屬交州

按安京唐至德改保京宋改爲安遠洪武四年省入欽州下不詳

齊 建元二年以宋壽郡屬交州改宋廣郡爲縣屬合浦郡

梁 普通四年置安州於宋壽郡統宋壽宋廣安京三郡又置黃州兼置寧海郡及安平海平玉山三縣

按寧海郡黃州隋開皇十八年改玉州改安平海平爲海安皆入今之欽州下不詳

陳 安州仍梁制

隋 開皇元年省宋壽郡置欽江縣改宋廣郡爲新化縣仍屬安州十八年改安州爲欽州改新化爲內亭縣又置南賓遵化二縣

按隋之欽州建今靈山舊州墟故趾尙存

唐 武德五年析內亭遵化二縣置南亭州如和縣貞觀元年屬嶺南道二年廢南亭州如和縣調露元年屬邕管乾元元年復爲欽仍隸邕正元十年改南賓爲靈山縣咸通二年屬嶺南西道

五代 欽仍唐制

宋 宋寶五年省遵化內亭欽江三縣併入靈山至道三年屬廣南西路

靈山縣志

輿地志

十

廣州黃黎巷新中華承印

按天聖五年始遷欽州於近海白沙之東安遠舊縣故靈山遂有欽州地今稱舊州又按內亭兼南亭州地遵化兼如和縣地

元 欽州路至元十七年改爲總管府屬滿北道按海北道於明之正德隆慶駐靈山明 洪武元年屬欽三年屬欽州府九年四月屬廉州府隸雷州十四年還屬欽州仍隸廉州府

清 仍明制
以上舊志

邑地沿革漢時通志以爲合浦東境通典府志元和志諸書渾言屬合浦舊志則以爲屬日南劉宋時前志以爲宋壽宋廣安京三郡地府志通典元和九域諸書祇言分置宋壽通志有宋壽宋廣而無安京又以百梁安昌及合浦之新安屬靈山地謹按前志專據欽志考証熟聞故於邑西北與欽界者徵引詳確而頗遺東南境查邑東南各練毗連合浦之東北境通志以邑爲合浦東境又以百梁安昌新安爲邑地當有所因竊意漢時邑西北屬日南東南屬合浦劉宋時邑西北爲宋壽宋廣安京東南爲安昌百梁新安謹條殊異俟考（續志）

靈山正續志卷二下輿志

建置類上

建置表

城池

公署

公所

建置

靈地舊在荒服唐始置之迄宋復并遵化內亭欽江三縣而有之至元明遂爲海北雄鎮雍正舊志云廉州爲粵東西路之門戶而靈山又爲廉州之門戶則經營規畫之具安可一日忘哉顧放工存於周官春秋特重興作則建置因時之宜固仕於茲士與生於茲鄉者之咸與有責也志建置（舊志）

建置大事表

舊志無建置大事名目惟雜志類有事蹟一門序云舊志有事蹟等志顧其事之大者已詳於建置田賦諸志而經政亦已概見焉而其事之宜存而不廢者又不能如省局通志之例以前事爲一略故合前後事蹟之可考者錄之附於雜志亦略示災祥本之於天事蹟則徵之於人云爾謹按舊志事蹟一門雜載建置治亂官職各事茲謹輯其關於建置者列於輿地建置大事表關於治亂者列於經政治亂考關於謫宦者列於經政職官考庶以類相從易於檢閱焉（續志）

秦始皇三十三年置象郡

漢武帝元鼎六年析象郡爲交趾九真日南合浦郡

靈山縣志

輿地志

十一

廣州黃黎巷新中華承印

孝武世分日南郡立宋平縣後爲郡（宋平今屬欽見宋書）

吳黃武五年以合浦日南屬交州（一云合浦分屬廣州）

晉太康元年分合浦之北爲廣州

唐貞觀十年移南賓於峯子嶺南（見元和志）（按寰宇記云舊在州北六十六里未詳所在）

宋仁宗天聖元年癸亥遷欽州城於近海白沙之東（原在靈山舊州墟遷今治）英宗

治平二年乙巳春詔徙靈山縣治於石六峯

高宗紹興元年初置廉州選場（以前皆附雷州府科舉）

明洪武四十年壬戌夏五月增設龍門安選二馬驛（通志作永樂十四年）

正統五年庚申兵備副使甘澤始城靈山

正德二年丁外分巡海北道駐靈山

萬歷八年撤通判衙署回按城（按通判舊駐靈之石龍）

按據府志是年增設山防通判及指揮各一員築城開市於石塘練（續志）

清康熙四年乙巳裁靈山縣丞縣學教諭

二十年辛酉復設儒學教諭

二十六年丁卯知總遲維城捐俸建書院置學田

是年移西鄉巡檢署於宋太練太平墟（原在中凝練那務村）（續增）

四十二年癸未知縣段曦復遷文廟於城外

雍正七年己酉明倫堂成

按始議者唐令開運興工者林令榆踵成者盛令熙祚邑之有明倫堂自此始在文廟之西即今之教諭署也

十年壬子秋九月林墟司巡檢移駐陸屋墟（舊在武利墟）

按府志作九年辛亥秋九月

乾隆三年知縣李正愷建文明坊樓並文廟青雲路

十二年丁卯教諭謝錫冕捐俸建尊經閣貯頒行書籍冬十月封禁上寧練銅礦從知縣王郁文之請也

按商人李作材於乾隆十一年赴司呈墾上寧練官山等處採銅于守據王今詳以該處地連粵西距縣寫遠密菁深林乃獐獍雜處之鄉稽杳匪易開礦實非邊郡所宜請永遠封禁從之

十五年庚午邑人請開復正南門建城樓一座

靈山縣志

輿地志

十二

廣州黃黎巷新中華承印

十六年辛未知府周碩勳嚴官山砍伐之禁

二十年乙亥定西鄉司巡檢爲邊俸

二十三年戊寅署知縣韓萬言倡建馬鞍山文閣

三十六年辛卯重修文廟增南梁冠山文筆

五十八年癸丑新建小南門文閣高九丈餘

嘉慶九年甲子邑人以新建文閣不利毀之

十一年重修文廟建青雲坊

十六年辛未夏五月毀馬鞍出文閣

二十一年重修西靈書院

二十五年新建節孝祠於典史署之東又新建文昌宮於書院之西以上舊志

道光七年署縣李某（名姓失攷）重修正南門暨各城樓八年夏工竣二十八年市民

毀城東街府稅廠

二十九年移石塘汛弁駐武利墟

咸豐八年復城後縣署借寓江宅

同治元年守曾遠輝建城守署

八年己巳知縣馮詢按糧抽捐修葺縣署

十一年亂民劉賢焚燬縣署借寓西靈書院

光緒二年丙子捐修文廟及明倫堂於堂前建考棚（按棚舊在今節孝祠西）五年知縣陳起倬按糧抽捐重修縣署並建捕署於縣署之左以舊捕署建訓導署修忠孝祠建節孝祠於舊試院

十年甲申冬始設電線由橫州經邑西至武利墟設分局

十二年丙戌知縣鄧清圻稟請雷州守備駐本城以城守署改爲守府署

十五年知縣李受彤倡建慶祝宮修城隍廟文昌宮是年割邑地菩提秋風博菽青塘

四練歸欽

十八年壬辰知縣饒繼志倡建育嬰堂及義倉守備楊金甲駐邑城守署

二十一年乙未修關帝廟

二十七年辛丑色紳鄧政治李鈞倡建鍾靈學堂

二十八年壬寅自六峯山脚接電桿入署設局

三十年裁守府守府署仍爲城守署

三十一年乙巳改鐘靈學堂爲兩等小學堂

靈山縣志

輿地志

十三

廣州黃黎巷新中華承印

三十二年丙午設巡警四十名

二十三年丁未紳商捐修城上窩舖知縣張濤督修城垣拆考棚石檯欖敷街道移電線分局於城守署又由邑分支至陸屋達欽

三十四年改考棚爲罪犯習藝所改西廣書院爲普仁善堂附種植會以大雲寺設蚕桑女學堂未幾罷以育嬰堂爲蒙學堂以文昌宮爲自治研究所以北帝廟爲巡警局是年裁教諭以教諭署作訓導署以訓導署爲地方公所

宣統元年設自治局於西靈書院設郵政分局

二年設初等農業學堂於文昌宮附設禁烟局於習藝所尋罷

城池

本縣舊無城郭明正統五年海北兵備副使甘澤調南海衛後千戶所官軍防守始議築城廣六百四十丈高一丈八尺窩舖二十座門四東曰朝陽西曰鎮遠南曰鎮南（疑即已塞之南門）北曰拱北天順三年八月爲賊所陷成化間都指揮歐磐始開濠塹二道各濶一丈九尺周圍五百一十四丈八年海北道僉事林錦增蓋門樓四座敵樓一十八座串樓三百五十間又以城制狹小乃增拓東南城垣四百五十丈開東西二門串樓三百五十五間敵樓二十四間知府饒秉鑑有記宏治十八年僉事鄧概正德五

年僉事李瑾相繼葺嘉靖八年僉事劉道周城築高三尺廣四百五十三丈又開一門曰通濟後僉事陸澄謂與縣門相對命塞之隆慶元年僉事張士純議增雉堞會因風雨乃止六年知縣馮盛宗按軍三民七之例修之今現開三門朝陽長春六峯是也萬歷三十年知縣以縣與粵西接壤請設立營房以資防守崇禎十三年知縣葉見龍奉文撤去串樓易爲雉堞今因之（舊志）

按串樓三百五十五間府志作二百又府志僉事劉道周以雉堞易串樓舊志不載嘉靖十三年僉事王崇仍造串樓六百零三間而張岳碑云樓之表如垣爲屋以間數者百有三碑中以餘工作廊肆十間府志作於長春門外樓房三十歲賦其入爲修城費又府志載隆慶六年知縣潘盛宗濬濠二道濶一丈九尺周五百一十四丈與城稱舊志亦闕又府志載池周圍五百四十一丈係疆東輿圖增輯亦丈尺互異又府志乾隆三十四年城因風雨復圯知縣嚴思濬詳請修葺亦闕合併增補備考（續志）

旻按舊志云八年海北道僉事林錦增蓋門樓敵樓拓城垣知府饒秉鑑有記記今無存然攷三海巖石刻林僉事有磨厓碑刻（詳載金石志）並自跋云靈山新城余尹是邑所創繼牧廉郡每欲罄砌顧力不贍茲叨奉勅巡鎮邊疆爰命兵民併力包砌經始於成化庚寅十月丙午畢工於次年陽月庚申董其役者把總指揮周瑄也茲用告成

靈山縣志

輿地志

十四

廣州黃黎巷新中華承印

忻賞是巖以勞士卒因書以紀歲月據此查明史成化庚寅係六年舊志云八年乃訛書也蓋作於六年庚寅而成於七年辛卯也且以此知前副使甘澤所築乃土城也而林公之由尹而守而巡鎮始終經營乃克有此城厥功尤偉云

重修靈山縣城記 靈山據廉之上游外控橫邕天順成化間蠻寇殘橫邕逾嶺攻破縣郭廉與屬城無一能完其守者於是天子采廷議下璽書命憲臣分巡海北者開署治兵以制之然後瀕海數百里之人得免於兵革者七十餘年矣嘉靖甲午春龔泉王公始至閱祝其城壁雉堞樓櫓與凡兵馬器械之數寢弛弗治曰是殆狎於久安得無遂萌芽孽如昔日者乎治既數月奸宄屏伏幽滯宣釋巷里弗驚商旅夜行迺經村鄉正調番休之卒取木於山甃砌煨礪咸授以法以其年四月始事五越月而功告成凡爲門二垣六千三百三十六樓之表如垣爲屋以間數者百有三故所無也用材木瓦甃灰鐵積至一百四十萬二千有奇糜金一百二十兩又以餘工作廊肆十間歲賦其入以待事工營四外高爽地駐兵與城中相應而時其操練九禦守之具無一不具初公之議茲役也費不及於民然民知公之欲以衛己而安之也其富人皆爭出藏粟食役者故能不淹踰時日費省而功用多由是觀之苟利於民而以忠信惻怛之心行之真能效死以赴長上也豈獨茲役爲然哉昔日虞夏聖人蓋嘗患蠻彝寇賊矣卒其所

以治之者無他曰明於五刑以弼五教而已聖人固非以城郭甲兵爲無所用而畧之也君臣父子夫婦朋友之紀生人之大防存焉苟紀廢而防壞雖有城郭甲兵孰與守之哉是故先其所以守之者而後及守之之具本末緩急間有次第也今公以總明綜練之才提刑一方一切畧去苛細存其大體以教化風俗爲先興學校勵信讓蓋不專以城郭甲兵爲足弭蠻彝寇賊之變及其協羣情以就此役又籌畫調度細大不遺其法皆可以施諸永久所謂愷弟君子民之攸暨者歟凡公之屬吏將校歌頌公功者皆欲著於不朽而岳適來承乏茲郡相率來請文故爲具著始末勒石以告來者俾有考焉明知府張岳撰

旻按此碑現存原立在城隍廟今遷於明倫堂之東壁文已殘闕特甚茲據舊志錄出其現存之字並編入金石志麓泉王公當爲認北道王崇浙江金華人進士十三年任是年卽嘉靖之甲午記云四月始事則抵任當在初春也又按張岳福建惠安人進士由行人司謫廉州知府嘉靖十四年任累官至兩廣楚黔蜀各省總督前明有專祠額編春秋致祭銀兩其惠政固卓有可傳按史又稱岳博覽工文章經術湛深不善王守仁學以程朱爲宗今觀此碑文特樸茂而有法度乾隆舊志稍易數語相失便遠且於修築處有關經費亦並節之亦大誤矣今敬從雍正舊志與碑文概錄之

靈山縣志

輿地志

十五

廣州黃黎巷新中華承印

按此舉工費甚大豈越月而可告成後查碑越月上確有五字又作廊肆數十間者乃居肆之肆也舊志於肆字下去數字云作廓肆十間誤矣爲

補注之

清康熙六年知縣多宏安九年知縣林長存相繼修復城樓五座角樓四座串樓三間窩舖二十四間砲臺一十八個雉堞五百三十個水關一穴十年六月十八日颶風壞西城堞堞三丈五尺府縣捐貲重修越七月十三日工竣雍正六年知縣林榆修東西南城樓三座七年霪雨坍塌一十九丈署縣盛熙祚捐資修葺閏七月二十六日工竣十一年知縣杜兆觀復修城樓懸額東門曰長春西曰六峯南曰朝陽乾隆十四年霪雨壞南面城堞二處知縣王郁文署縣趙鑑相繼修復十五年教諭謝錫冕移縣復開正南門卽文明門（按卽係嘉靖八年之通濟門開而復塞者）建城樓一座六十年知縣丁桐於四門城樓各置鎮威虜統一位每位重三百六十斤捐俸特置嘉慶二十三年署縣于學質於

四城門更額東門名如舊正南門曰文明小南門曰迎董西門曰平峯（按署縣例不入表故署令于學質未列職官）

城內總渠起自武廟前循大街而下折而左繞縣治再折而過青雲坊大雪寺趨西城

門竇出坤方分爲三段工段廣二尺五寸深三尺中段廣五尺深六尺下段廣七尺深八尺嘉慶元年典史黎鯤督令保甲浚鑿如舊十八年典史杜新牒縣出示飭令旁溝居民每歲仲春挨戶疏去積淤城內水患始除

按內渠間歲不修夏潦漲發每至淹塌民房須畧做京城例每歲春暮開溝一次方能稍疏壅滯耳

城外濠嘉靖初年海北道曾燧重修

按曾燧郡志作湖北麻城人進士嘉靖三十年任據修城濠記則公號臺山也地望既合時有教諭吳昇爲之記亦於嘉靖二十五年任可徵也文多殘闕見金石志

以上舊志

道光七年署縣李某或云名九如重修正南門暨各城樓八年夏工竣道光三十年高廉道彭舒萼獲匪李士葵大炮一尊重三百觔置之東門城樓泐碑嵌壁光緒三十三年城紳商捐修城上窩舖署縣張濤督修城垣其餘因霖雨坍塌即時修葺無關大興作者不具列

公署

知縣署在城內偏東大堂三楹南向堂前古樹二株前爲儀門三楹門上爲鼓樓又前

靈山縣志

輿地志

十六

廣州黃黎巷新中華承印

爲大門三楹又前爲大照牆一座大堂下東吏舍六楹西吏舍六楹儀門左右爲東西角門大門內東爲福德祠大門東爲民壯班房西爲號房大堂後爲宅門又後爲二堂舊額曰補拙堂新額曰敬事堂二堂西偏爲問心堂又後爲三堂爲後堂堂俱三楹楹下東西有耳房又西有幕客房又西有倉廩又有箭道爲退息所餘房不載

康熙六年知縣多宏安九年林長存相繼修復

乾隆五十三年知縣陳錫光重加修葺如舊制

舊志云縣治在峯子嶺下宋治平間遷石六峯之東明洪武三年重建萬歷十六年徙於儒學舊址康熙六年知縣多宏安重修後衙川堂大堂左有藏庫石有贊政廳東縣丞衙今奉裁西有典史衙羈候所建復兩廊房儀門鼓樓即爲大門左有旌善亭土地祠右有寅賓館俱因兵燹燬廢官衙廨舍悉成榛莽雖歷經修復至今鼓樓旌善亭藏庫尙未逮焉

以上舊志

通志載縣署在城中舊在峯子嶺下宋弘治二年遷石碌峯之東元季毀明洪武三年知縣夏秉恕建景太元年改建于千戶所右天順初又燬于火五年知縣林錦移建新城西南成化間知縣王吉龔彝重建正德知縣劉瑀修嘉靖十六年知縣趙仲衍三十

二年方逢亮縣丞秦采各重修萬歷十六年徙于儒學舊址即今治也
府志宋弘治作治平石碌作石六劉瑀作劉瑞三十二作三十三方逢亮作逢堯秦采
作采

縣署自復城後借寓江宅同治八年知縣馮詢抽捐修葺十一年民變被燬借寓西靈
書院光緒五年知縣陳起倬復修
以上續志

典史署在縣治西即舊縣署地大堂大門二堂三堂俱三楹大堂東爲東書房按典史
署始建無考（舊志）

今典史署在縣署東光緒五年知縣陳起倬典史徐治創建（續志）
教諭學署在文廟右大門內爲大堂曰作人堂堂後爲宅俱三楹宅內有尊經閣教諭
謝錫冕於乾隆十二年與諸生倡建（舊志）

按舊志云儒學署在城隍廟旁則今署不知遷自何年矣（舊志）
舊儒學原在石六峯宋時遷於縣治東明景太初改遷於城中千戶所東萬歷初復徙
於南城外清康熙四年又遷於西門外（此條據郡志增入）
訓導學署在文廟後堂宅與正齋同（舊志）

靈山縣志

輿地志

十七

廣州黃黎巷新中華承印

按正副學署遇有修葺同在學租項下開支（舊志）

今訓導署在教諭署後光緒六年知縣陳起倬訓導周玉齡同建光緒三十二年裁教
諭缺訓導移人教諭衙此署撥歸本邑辦公之地（續志）

城守公署在縣署西大堂二堂大門俱三楹大門左右爲旗牌房兵丁房堂後有箭亭
（舊志）

同治元年城守曾遠輝將通匪充公舖屋四間之費復建光緒十八年移廉營守備駐
邑城守備楊金甲重修改爲守府署至三十年裁守備復爲城守署城守曾遠輝有碑
暨署頭門記不具錄（續志）

西鄉司巡檢署在縣西二百二十里上寧練今移駐太平墟在縣西二百里（舊志）
光緒元年該鄉共捐資重建伍士祺有募捐啟
通志西鄉司署在縣西二百二十里上寧練今移駐太平

府志西鄉巡檢署在縣西三百里與通志縣志異
按舊署在那務村屬中寧練距那樓墟二十里那樓距邑二百六十里當是二百八
十里（以上三條續志）

林墟司巡檢署在縣南八十里武利墟雍正九年移駐陸屋墟在縣西南一百里（舊

志)

千戶所署在教諭署西自設守備城守移駐千戶署及裁守備復遷人守備署該署改作電報局今電局又遷教諭署

石塘營署廉州府稅廠在外城外興隆大街坐東向西一連三進康熙四十七年廉州府施設立征收落地稅旋因控罷雍正二年季府詳請撫藩咨部復設十二年張府泐示懸頭門按清初承明後市於石塘置汎弁並通判一員康熙間奉裁通判該市遂廢汎弁移駐武利墟今營地已稟建爲石塘練育才兩等小學堂

公所

大雲寺在縣治西凡三座座皆五楹中座建樓三楹東西俱有廊房每遇大慶設牌於此各官行朝賀禮康熙四十六年住持僧光願了迷與邑人譚起英甯俊明甯坤升甯殿楷甯殿楹梁楠紀裔英邵德忠譚大猷趙明新趙宗翰募修正殿頭門及後樓邑人譚謙爲之記不具錄嘉慶一十四年住持僧會司祖謙復倡修添建拜亭(舊志)

按寺尙有重修二碑記編載壇廟類又按此條載入公所者以前清行禮處屬公地故也(續志)

宣講臺在東門外觀音廟前嘉慶四年建同治元年知縣王振榮倡重修(此條據生

靈山縣志

輿地志

十八

廣州黃黎巷新中華承印

員陳之翰重修觀音廟碑採入)

育嬰堂光緒十八年知縣饒繼志捐建有記詳善團

普仁善堂光緒三十四年將西靈書院改設

巡警局光緒三十四年借設北帝廟

工藝陳列所光緒三十四年將考棚改設今改爲閱報社宣講所模範初等小學秀靈

賓輿館在石塘練洞心舖光緒八年建

山心大公館一所二座座凡五楹兩廊有耳房前有照牆爲官員往來站所

豐塘大公館一所三座座五楹旁有耳旁爲官員赴省駐站所

汎房在武利墟一由石塘汎移駐伯勞墟一由吳屋移駐今裁

卡房在武利墟現設公局

武利運館在三里江縣南八十餘里被水冲塌遺址尙存

武利公館一連四座兩廊雍正間武利博莪兩練紳耆創建爲官員駐站所先是武利

鹽運館被水冲塌借佳公館厥後鹽運停罷年久被合浦鄺樹楠盜買瞞聳白石場

給據今地方紳耆控告未結

靈山正續志卷三輿地志